

Cyflwyniad

Mae Cronfa Datblygu'r Gwasanaeth Cyfreithiol Cymunedol (CLS) yn ffrwd cyllid grantiau bach sydd i'w defnyddio'n hyblyg i gynorthwyo datblygu gwasanaethau o fewn y CLS yng Nghymru. Mae'r nodiadau canllaw hyn yn nodi prif nodau Rhaglen Grantiau Bach Cronfa Datblygu'r CLS (Cymru) 2004/5, a'r prosesau ar gyfer cyflwyno'r Rhaglen.

Themâu y Rhaglen

Bydd y Rhaglen (sydd â chyfanswm cyllideb o tua £100,000 yn dyfarnu grantiau o hyd at £5,000 tuag at gostau prosiectau yn targedu un o'r themâu dilynol:

- gwaith gyda ffocws ar wella mynediad i'r CLS ar ran cymunedau sydd wedi eu hallgau yn gymdeithasol – a ddiffiniwyd yn nhermau lleoliad daearyddol (e.g. pobl yn byw yn stad tai x) neu nodweddion cymdeithasol (e.e. pobl hŷn, pobl ifanc, pobl ifanc, menywod ac ati ..) – gyda phwyslais arbennig ar annog dynodiad cynnar o broblemau cyfreithiol, a'r ffynonellau gwybodaeth a chyngor sydd ar gael i gynorthwyo i'w datrys; neu
- cyflwyno hyfforddiant i sylwyr problem o fewn ardal Partneriaeth Gwasanaeth Cyfreithiol Cymunedol, gan arwain at welliant wrth arwyddbostio'r rhai sydd angen gwybodaeth a chyngor i'r darparrydd gwasanaeth mwyaf priodol gyda Nod Ansawdd.

Hyd y Prosiect

Ar gyfer y naill thema neu'r llall, dyfernir grantiau ar gyfer prosiectau yn rhedeg am hyd at 12 mis, ac mae'n rhaid i bob prosiect fod wedi dechrau erbyn 31 Mawrth 2005. Bydd prosiectau llwyddiannus yn derbyn eu cyllid fel un taliad ar ddechrau'r prosiect.

Maint y Prosiect

Medrir dyfarnu grantiau i dalu am gostau llawn prosiect hyd at £5,000 mewn gwerth, neu fel cyfraniad at brosiect yn costio mwy na £5,000. Nid oes unrhyw ofyniad ffurfiol ar gyfer arian cyfatebol o fewn y Rhaglen Grantiau Bach, er y dylai ymgeiswyr fod yn ymwybodol fod gwerth am arian yn un o'r meini prawf ar gyfer asesu ceisiadau.

Ceisiadau

Rhaid gwneud ceisiadau am gyllid yn defnyddio'r ffurflen gais a atodir gyda'r canllawiau hyn. Medrir cael copïau pellach gan y tîm Cynllunio a Phartneriaeth ar (029) 2064 7110; neu yn ein gwefan – www.legalservices.gov.uk

Amserlen

Bydd dau gylch gwneud penderfyniadau ar gyfer y Rhaglen Grantiau Bach (Cymru) 2004/5. Caiff ceisiadau a dderbynnir erbyn 1pm ddydd Gwener 29 Hydref 2004 eu hasesu yn ystod mis Tachwedd 2004, a bydd ymgeiswyr yn derbyn hysbysiad o ganlyniad eu ceisiadau yn ystod yr wythnos yn dechrau 6 Rhagfyr 2004. Disgwyliwn ddyfarnu grantiau hyd at uchafswm gwerth o tua £40,000 fel rhan o'r cylch cyllido cyntaf hwn.

Y dyddiad cau ar gyfer derbyn ceisiadau ar gyfer y cylch olaf yw dydd Gwener 17 Rhagfyr 2004. Caiff y ceisiadau hyn eu hasesu yn ystod Ionawr 2005 a hysbysir ymgeiswyr am ganlyniad eu ceisiadau yn fuan ar ôl 16 Chwefror 2005.

Caiff ceisiadau na fu'n llwyddiannus ar gyfer cylch cyntaf y cyllid eu hailystyried gyda cheisiadau newydd yn yr ail gylch.

Meini Prawf Penderfynu

Caiff ceisiadau eu hasesu ar y meini prawf dilynol:

Effeithlonrwydd Cost

Y graddau y mae'r cais yn cynrychioli gwerth da am yr arian i gael eu buddsoddi. Caiff y maen prawf hwn ei asesu yn wrthrychol (a yw'r cynigion yn ymddangos yn rhesymol ynddynt eu hunain?) ac yn oddrychol (a yw'r cynigion yn ymddangos yn rhesymol o gymharu â cheisiadau tebyg a dderbyniwyd?). Lle mae cynnig o reidrwydd yn ddrtutach oherwydd y cyd-destun neu amgylchiadau neilltuol yn effeithio ar gyflwyniad y prosiect, rhaid i'r ymgeisydd sicrhau y caiff y rhesymau dros y costau ychwanegol eu hesbonio'n llawn yn y cais (er enghraifft gall fod angen costau ychwanegol i wneud cyhoeddiadau ar gael mewn ffurfiau priodol ar gyfer grwpiau cleient neilltuol; neu i gyflwyno gwasanaeth i bobl mewn cymunedau gwledig).

Cysylltiadau gyda chynlluniau a/neu brosiectau cymunedol eraill

Bydd prosiectau a all arddangos cysylltiadau gyda chynlluniau neu brosiectau eraill gyda sail cymunedol yn derbyn blaenoriaeth ar gyfer cyllid. Gall cynlluniau cymunedol gynnwys (ond nid ydynt wedi eu cyfyngu i) rhai'n gysylltiedig â strategaethau Partneriaeth Gwasanaeth Cyfreithiol Cymunedol, Cynlluniau Cymunedol, strategaethau Cymunedau'n Gyntaf a strategaethau Iechyd a Llesiant. Yn yr un modd, gall fod cyfleoedd i gysylltu prosiect a gefnogir gan y Rhaglen Grantiau Bach i waith arall sy'n digwydd eisoes. Dylai ceisiadau esbonio'n glir sut mae'r prosiect arfaethedig yn ffitio gyda'r cynllun cymunedol perthnasol.

Nifer darpar fuddiolwyr

Dylai ymgeiswyr nodi nifer y buddiolwyr a fydd yn cael mantais o'r prosiect arfaethedig, a'r systemau a ddefnyddir i fonitro cynnydd yn erbyn y targedau hyn. Lle cafodd nifer buddiolwyr ei amcangyfrif, dylid nodi ar ba sail y gwnaethpwyd yr amcangyfrif ac unrhyw dybiaethau sy'n sail i hynny.

Cymuned a Wasanaethir

Yn y cyd-destun hwn, meddir diffinio cymuned fel 'ardal ddaearyddol' neu 'gymuned diddordeb' neu'r ddau. Cynhwysir yr enghreifftiau dilynol ar gyfer pwrpasau darluniol yn unig:

- pobl yn byw ym Mharc Caia (ardal ddaearyddol)
- pobl hŷn (cymuned diddordeb)
- pobl lesbian, hoyw a deurywiol yn byw yn ne orllewin Cymru (ardal ddaearyddol a chymuned diddordeb).

Byddwn yn anelu i sicrhau fod cyllid o'r Rhaglen Grantiau Bach o fudd i groestoriad mor eang ag sydd modd o gymunedau (yn gymunedau daearyddol a hefyd yn gymunedau diddordeb).

Rhannu Gwybodaeth gyda Chyllidwyr Eraill

Lle ymddengys fod ceisiadau i'r Rhaglen Grantiau Bach yn ateb meini prawf rhaglenni cyllid eraill, yr ydym wedi cytuno y medrwn gyfeirio'r ceisiadau at gyllidwyr eraill yn y lle cyntaf. Pe bai'r cyllidwr arall yn penderfynu peidio cefnogi'r prosiect, caiff ei ystyried ar gyfer cyllid o'r Rhaglen Grantiau Bach yn y ffordd arferol. Rhaid i ymgeiswyr nodi ar y ffurflen gais p'un ai ydynt yn rhoi caniatâd i'w cais gael ei ystyried gan gyllidwyr eraill. Mae dyfarniadau ar gyfer Cymru-gyfan (cynllun grantiau bach y loteri) a'r

Ymddiriedolaeth Adfywio Meysydd Glo eisoes wedi cytuno i dderbyn cyfeiriadau ar y sail hwn, a rydym yn parhau mewn trafodaethau gyda chyllidwyr eraill.

Prif Delerau ac Amodau Cyllid

Bydd dyfarniad cyllid o'r Rhaglen Grantiau Bach yn ddibynnol ar i'r sefydliadau llwyddiannus gwblhau llythyr Cytundeb Cyllido, y caiff y prif delerau ac amodau eu nodi yn yr adran hon. **Drwy anfon y ffurflen gais, mae ymgeiswyr yn cadarnhau eu bod yn barod i lofnodi Cytundeb Cyllido yn seiliedig ar y telerau a'r amodau hyn.** Os dyfernir cyllid gan gorff cyllido arall – dan y trefniadau cyfeirio a nodir yn adran flaenorol y Nodiadau Canllaw hyn – yna bydd y grant yn amodol i'r telerau ac amodau a osodir gan y corff cyllido hwnnw.

Adroddiadau ar y gwaith a gyllidwyd

Dymunwn dderbyn adroddiad ar y gwaith a gefnogir gan y cyllid hwn. Dylai'r adroddiad amlinellu sut y defnyddiwyd y cyllid i gyflawni'r gwaith a nodwyd yn yr adran 'Pwrpas cyllid' uchod. Dylid anfon yr adroddiad erbyn *[doder dyddiad]* at *[enw cyswllt LSC]*, *[teitl swydd]* yn y lle cyntaf.

Pwrpas yr adroddiad fydd rhoi sicrwydd i ni y defnyddiwyd y cyllid ar gyfer y gwaith a gytunwyd. Ni chewch ddefnyddio'r cyllid ar gyfer gweithgareddau heblaw'r rhai a fanylwyd yn y cytundeb hwn.

Mesurau rheoli cyfrifeg

Bydd *[eich Swyddog Cyfrifyddu]*, *[enw a swydd]* neu ei [h]olnydd yn gyfrifol am weld fod y mesurau rheoli ariannol a mesurau rheoli eraill a ddefnyddir yn ddigonol i sicrhau y caiff y cyllid ei wario'n gywir, darbodus ac economaidd.

Bydd gan ein swyddogion hawl i gael mynediad ar bob amser rhesymol i unrhyw ddogfen yn gysylltiedig â *[enw'r prosiect]* y credwn fod angen i roi sicrwydd i ni a'n Swyddogion Cyfrifyddu y cafodd amodau a thelerau'r cyllid eu diwallu (dogfennau i gynnwys llyfrau a chofnodion ac ati, yn cynnwys cofnodion cyfrifiadurol).

Disgwylwn i'ch Swyddog Cyfrifyddu fod yn gyffredinol gyfrifol am sicrhau y caiff y cyllid ei wario mewn modd priodol ac y cedwir cofnodion cyfrifyddu cywir yng nghyswllt y prosiect yn unol â safonau cyfrifeg a dderbynnir yn gyffredinol.

Nod Ansawdd

Cawsoch [chi] Nod Ansawdd ar y [doder lefel/math] ers [dyddiad] a bydd yn ofynnol i chi gynnal y Nod Ansawdd am y flwyddyn y dyfarnwyd cyllid NEU yr ydych wedi ymrwymo i gael y Nod Ansawdd ar [doder lefel/math] erbyn [dyddiad].

[Rheolaeth olygyddol a hawlfraint [OPSIYNOL]

Cytunwn mai chi a'r awduron sydd â'r rheolaeth olygyddol a hawlfraint yn gysylltiedig â [deunydd a gynhyrchwyd dan y cyllid]. Cytunwch i roi trwydded fythol, an-ecliwsif, di-freindal i ni i ddefnyddio hawlfraint mewn unrhyw waith neu ddeunyddiau a grëwyd yn defnyddio cyllid a ddyfarnwyd gennym ni.]

Adroddiad Blynyddol

Byddwch [Chi] yn rhoi copi o'ch Adroddiad Blynyddol i ni. Rhaid i hyn gael ei anfon atom o fewn dau fis o gael ei gyhoeddi.

Cyfle cyfartal

Ers mis Rhagfyr 2001 buom yn ddarostyngedig i oblygiadau statudol y Ddeddf Cysylltiadau Hil (Newidiad) 2000 fel cyflogwyr a hefyd fel darparwydd gwasanaethau. Yr ydym hefyd yn ymrwymedig i hyrwyddo cydraddoldeb yng nghyswllt hil, anabledd, oedran, crefydd a thueddiad rhywiol.

Fel sefydliad a gyllidir, byddwch yn sicrhau fod unrhyw un yn gweithredu ar eich rhan yn cydymffurfio gyda chyfraith y Deyrnas Gyfunol ac, yn neilltuol, nad yw'n cyflawni unrhyw weithred o wahaniaethu a fernir yn anghyfreithlon gan Ddeddf Gwahaniaethu ar sail Rhyw 1975, y Ddeddf Cysylltiadau Hil 1976 (fel y'i newidiwyd gan y Ddeddf Cysylltiadau Hil (Newidiad) 2000) neu'r Ddeddf Gwahaniaethu ar sail Anabledd 1996.

Byddwch yn rhoi copi o'ch Polisi Cyfle Cyfartal i ni erbyn [dyddiad].

Cyhoeddusrwydd

Byddwn yn ymdrechu i gynnwys [enw'r prosiect/gwasanaeth] mewn cyfleoedd cyffredin ar gyfer hysbysebu'r Gwasanaeth Cyfreithiol Cymunedol (CLS) ond [chi] fydd â'r cyfrifoldeb penodol am gyhoeddusrwydd.

I gynyddu proffil y Gwasanaeth Cyfreithiol Cymunedol, rhaid i chi gydnabod eich rôl yn y CLS a ffynhonnell eich cyllid lle bynnag y bydd cyfle. Mae hyn yn cynnwys cyfeirio at y

CLS a'r cyllid yn eich dogfennau swyddogol (e.e. Adroddiad Blynyddol), ar eich gwefan, yn eich cyhoeddusrwydd ac unrhyw ddeunyddiau ysgrifenedig eraill perthnasol. Cyhyd â bod gennych Nod Ansawdd *[lefel]* y CLS, caniateir i chi arddangos logo swyddogol y CLS ar eich gwefan ac mewn unrhyw ddeunyddiau eraill (dim ond sefydliadau gyda Nod Ansawdd y caniateir iddynt arddangos y logo hwn). Lle cyhoeddwch y logo CLS, rhaid i chi gydymffurfio â'n cyfyngiadau ar sut y medrir cyflwyno'r logo hwn (e.e. lliw inc, maint ffont a safle ar y dudalen).

Rhaid i'r holl ddeunydd hyrwyddo gael ei roi i *[Rheolwr Cyfathrebu Rhanbarthol LSC]* *[i'w gymeradwyo]* cyn ei ryddhau.

Eich cyfrifoldebau

Byddwch yn cymryd pob cam rhesymol i yswirio yn erbyn unrhyw risgiau a all godi yng nghyswllt unrhyw eiddo neu weithgaredd gennych a gaiff gymorth grant yn llwyr neu'n rhannol gennym ni. Mae hyn yn cynnwys unrhyw golled neu anaf personol i bersonau'n ymgymryd â'r gweithgareddau hyn.

Prynu offer cyfalaf

Lle defnyddir cyllid i brynu offer cyfalaf medrwyd gadw'r eitemau a bwrcaswyd ar ddiwedd y tymor cyllid.

Torri amodau

Yr ydym yn cadw'r hawl i adennill y cyllid hwn, yn gyfan neu yn rhannol, i'r graddau na chaiff ei ddefnyddir ar gyfer y dibenion a'r gweithgareddau a gytunwyd gyda ni, os ystyriwn nad yw unrhyw derm neu amod cyllid eraill yn cael eu cyflawni.

**Planning and Partnership Team
CLS Development Fund Application
Legal Services Commission
Marland House
Central Square
Cardiff CF10 1PF**